

Leev Tante Finchen,

öwwer e Johr es Hassels Jastjäger för 100 Lütt us em vördere Orijent bzw. Nordafrika. Entejrazion oder Röckföhrong dat wöhd woll nix. De Kommune wähden von de hohe Politik em Räge stonn jeloote. Sei et von „Motte Theresa“ us Berlin, die emmer tönt „Mer schaffe dat“. Nur wie, weeß kinner von denne. Oder heeß de Lösung „Kooperazion met nem Antidemokrat us de Türkei-dem Erdojan?“ Dann herzleche Jlöckwonsch! Oder deht dat Anjela op d'r Friedensnobelpreis schiele? Secher es, dat dat Schengener Papier för de mießte europäische Nazione nit mih dat Papier wähdet es, op demm et jeschrewe steht. He en NRW es et och nit anders. Statt Sachzowendonge wöht leewer Jeld an de Asylante jezahlt – dat wöhr einfacher als Klamotte uszojäre säht et Hannelore Kraft – de Motte us NRW. Dä Jipfel es, dat NRW kinn Lost hätt, de Lütt zoröckzoschecke, die nit asylberechtiget send. Do kütt d' r Vördacht op, dat Motte „Saubermann“ em joodde Lecht stonn will. Dat Erjebnes es, us dem Dilemma „Männer brocht dat Land“, on kinn selvstherleche rejerende Wiewer.



De deutsche Bundesbahn well he en Reesholz e riesisch Bauwerk opstelle. Woröm jeht et - de Bahnstreck zwesche dem Reesholzer Jüterbahnhoff on Düsseldorf soll öm 12 mtr. (zwölf) erhöht wähdde! Op de jezije Trass wöhd e zweites Jleis jebaut, dat soll usmake, dat dä Ring-Ruhr-Express (RRX) kreuzongsfrei dä Düsseldorper Hauptbahnhoff erreiche kann. Betroffe es dä Reesholzer Bahnhoff on de Further Stroß. De Ussecht von Hassels noh Reesholz es dann nit mih möchlech. Äwwer wat m' r us joot enformeerte Kreise höht, es dat Objekt noch en de Märchewelt aanzosiedele. Wat ene Quatsch!

Stell dech vör, jetz jibbet en Hassels och ne Karnevalsclub. Vör e Johr, us en Bierlaun' erus öm Karneval eröm, hant sech dann em Herbst 2015 de „Haselholter Jecke“ jejröndet. Beim Veedelszoch Hassels / Reesholz send se schonens met fast 40 Lütt metjetrocke. Mol kicke, wann se dat Düsseldorper Prenzejaar make – Helau.



So, leev Tant, alles Johde bes zom Schötzeifest he en Hassels

Di Hänschen